

Plenchi

Bèl a bati

**Subi, subi, hala bola riba nos Plenchi pa nos por bati bleki poko. Pero aki no ta bleki bashi. Bleki ku diamanta aden. Pa bo mira kon nos hobennan ta sobresali. Kon nos personal ta hasi esfuerso tur dia pa nan alumnonan. Kosnan positivo pa asina bo no lubida ku tin asina tantu kos positivo ta pasa den mundu i na Korsou
Nos ta kontentu ku un siman mas tras di lomba. Kontentu ku bida i salu i oportunitatnan nobo. Riba Plenchi nos tin diferente notisia alentador pa bo.**

Karnaval a kuminsá ku tru su aktivitatnan. Ya nos tin nos prins ku reina tiner kaba. Nan tur dos ta bishitá Maris Stella Vsbo. Forsa i ánimo na tur ku ta organisá karnaval. Ta un temporada dushi pero tambe kaminda nos mester hasi tur kos na midi. No fiesta di mas. Drumi na tempu i hasi tur kos responsabel. Mayornan ku tin yu den karnaval, chek bon ku ken bo yu ta bai. Si nan asuntunan ta bon regla. Tur esnan ku ta bai ku yu di otro korda ku e responsabilidat ta grandi. Regla tur kos bon. Tuma tur prekaushon i traha bon palabrashon ku tur esnan envolvi. Tantu mayor, komo tur esnan ku ta yuda durante marcha.

Ban selebrá karnaval kontentu i responsabel. Un siman bendishoná pa boso.

Orashon

**Gloria na Abo Tata pa bo amor i pordon.
Señor protehá ami, mi famia, amigu i koleganan tur momento.
Lusa nos kaminda konstantemente.
Duna nos e don di Bo sabiduria.
Mansa nos kurason pa kompronde nos mishon.
Siña nos skucha Bo, pa nos por kumpli ku Bo boluntat.
Dunanos nos e pan di kada dia
Siña nos alimentá e simia di pas i amor.
Amen.**

Riba roster

Kolegio Sur Herman Joseph ta selebrá nan siman katóliko masha bunita. Nan a kombiné tambe ku nan di 42 aña di eksistensia. Pabien na tur alumno i personal di e skol. Soeur Herman Joseph a baha ku penshon pero no bira keda sinbishita e skol regularmente. E ta stima tur e muchanan masha. E skol ta kontentu di por karga nòmber di un persona ku ta stima skol asina tantu.



Soeur Herman Joseph na skol serka su hobennan stimá



Kolegio Sur Herman Joseph ta selebrá siman katóliko



E tres reynan ku a bishitá Kolegio Sur Herman Joseph

Mi ta konta

E leonan den pelea.

Jeroen tabata sintá ta piska ku su abuelo riba un djasabra atardi. Jeroen semper ta gusta psika ku su abuelo. Nan ta sinta kombersá i diskutí manera homber grandi riba yen di tópiko.

“Jeroen bo sa no, tin un pelea formal den mi kurpa entre dos leon. Un ku ta bon i e otro ta malu. E prome leon ta malu i e ta hopi rabioso, yalurs, gusta material, malkria i egoista, gusta gaña i tin un orguyo falsu. E otro ta bon, e ta alegre, ta pasifika, amoroso, kal,mu, humilde i ta gusta yuda otro. Den bo kurpa tambe e pelea entre 2 leon ta tuma lugá. Tur hende tin e. “

Jeroen a keda ketu i pensativo pa un ratu.

“Opa, ken lo gana e pelea?”

“Esun ku bo duna kuminda mas regular”

Tradusi i adaptá for di Hein Pragt

Un prenci



Etlyn a tuma despedida for di RK. Hopi aña el a malkriá nos ku su bon kuido i atenenshon. E señora aki ta un trahadó inkansabel ku ta hasi tur loke e tin ku hasi ekselente. Nos a stimé i apresié masha pa su bon trabou. Etlyn bai relahá, pero no keda sin bin kumindá nos de bes en kuando. Danki pa tur kos i Dios bendishoná abo i bo famia ríkamente.



Alexandro Victor i Jefdaney Manuela nan ta Representa Happy Teeners group a keda eligi Reina I prins Tiner. Un pabien na e hobennan talentoso aki. Pabien tambe na nan grupo Happy Teeners i e skol ku nan ta bishitá ku ta Maris Stella Vsbo.

Mucha djispou

“Papi mi a tèst papi su oloshi. E ta waterproof masha bon. Ma hinké den awa lague para prome mi bai baña. Ora ma kaba mi a saké anto ma mira ku e ta yen di awa. E awa no ta sali, kier men e ta waterproof masha bon.”